

Guangjsih Minzcuz Bau

ganhau: CN45-0036 B.2014 Nd.12 Ng.31 liggaueq gyapngux nienz ndwenit cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3155期

Bouh Daih' it Heiqcazgi Fangzloq 《Buhbwnroeg》 Bouxcuengh Baez Daih' it Youq Namzningz Yienjok 首部壮族魔幻杂技剧《百鸟衣》在南宁首演

Bonjbauq siusik(gicej Suh Gyahgvai/苏加快) 12 nyied 26 hauh gyanghaemh, gih raeuz bouh daih' it heiqcazgi fangzloq 《Buhbwnroeg》 Bouxcuengh youq Namzningz Gicangz daih' it baez yienjok. Bouh heiqcazgi fangzloq Bouxcuengh neix dwg aeu Bouxcuengh ginghdenj ndawbiengz cienzgangj daeuj guh cangcoz sucaiz, yungz Dozveh Bangxdai Byaraiz, gyongdoengz, Fwencuengh daengj hauj-lai vwnzva yenzsu haeuj ndaw bae dem, dawz cazgi caeuq lai yiengh daizheiq yisuz guh cujhab daezlien, gyagoeng swnghwnj cix cangcoz baenz bouh

daih' it heiqcazgi fangzloq Bouxcuengh neix. Gyoengqvunz daeuj ngonz haenx angq dwk diuq hwnjdaej, sing dopfwngz seiz mbouj seiz lumj byajraez nei goenjhumhum.

Bouh heiqcazgi fangzloq 《Buhbwnroeg》 neix doenggvaq bouxvunz ganjcingz riuzdoengh caeuq gojsaeh cingzceh nyoengx doxbae, aeu cingz daiq heiq, aeu cingz yienh heiq, cazgi gingyiemj caeuq gojsaeh ngutngeuj, yienjok duenh Bouxcuengh ginghdenj gojsaeh fangzloq cienzgeiz he. Ndaw heiqmoeg doenggvaq buhdaenj, daeng rongh, yinhyangj daegbied yaugoj, dawz

byaraemx Guengjsae, swyenz gingjgvanh buen hwnj gwnz daizheiq bae, yienh' ok le aen saenzgeiz caeuq gingjgvanh hawsaed giethab, ndei yawj ndei ngonz ndeu.

“Buhbwnroeg” dwg cit goj guhyoux riuzcienz youq gih raeuz Hwngzyen ndawbiengz Bouxcuengh he, youq guek raeuz mbiengj baihnaz yingyangj gig vangq, miz gij saekcaj saenzvah lumj fangzhwnz loq nei, riuzcienz gig gyae gig nanz, doiq dangdaih vwnzyoz fazcanj miz yingyangj hung raeuh, caemhcaiq ndaej senj haeuj ndaw Cungguek feihvuzciz vwnzva yizcanj mingzloeg bae.

SIUSIK DINJ

简讯

● Gaenh bi daeuj, Liujuengz Yen ciuq aen mozi “gunghswh + gihdi + nungzhoh” fazcanj gij canjyez ndaem gosangh ciengx nonsei, bineix daengx yienh ndaem suensangh mauhgvag 15 fanh moux, reh moq guj miz 1.7 fanh dun, canjyez seicouz bi miz canjiz 6.7 ik maenz.

(Danz Gaijhingh)

● Daj bineix daeuj, Lungzswng Gak Cuz Swciyen roengz 4.5 ik maenz, bu suiinj coq 15 diuz roen doeng mbanj, roengz cienz rengz coengh vunz diegbya hai “roen baenzfouq”.

(Veiz Gizyangz Yangz Lijswih)

● Daj 2009 nienz 7 nyied guhbaenz caemhcaiq mienxfei q hai hawj vunz lai yawj (gaenq haj bi lai) daeuj, Dunghhingh Ginh-cuz Bozvuzgvagj nem Ginhcuz Swnghdai Bozvuzgvagj gaenq mienxfei ciep hekyouz 80 lai fanh.

(Bangz Gwzbingz Liu Gaihginh)

● Gaenh bi daeuj, Sanhgyangh Dungcuz Swciyen Linzhih Yangh Gauhsu Cunh ndaem lwgmaenz moix bi moix moux soundaej 1800 goenggaen doxhwnj, moux canjiz 6000 maenz, ndaw cunh ndaem miz 200 lai moux “lwgmaenz vunz maij aeu”, mbouj yungh ok douranz couh gag miz vunz daeuj cawx liux lo.

(Gungh Bungjagangh Banh Bingz)

● Daj bineix hwnj, Yungzsuij Myauzcuz Swciyen comzrengz gajguh daengx yienh 65 giz ranzhag aeu faex guh de. Dangqnaej, gaenq roengz 1200 fanh maenz gajguh 40 giz, ndawde 15 giz gaenq guhbaenz ndaej yungh lo.

(Lungz Linzci)



Gunghcwngz: Beixnuengx Yauzcuz Angqhoh Dangdieg Doeng Gauhsuz Dezlu

恭城:瑶乡同胞喜圆高铁梦

12 nyied 26 hauh, Gunghcwngz Yauzcuz Swciyen gyoengq beixnuengx Yauzcuz ciengqgo diuqfoux, angqhoh diuz gauhsuz dezlu daj Gveicouh Swngj Gveiyangz Si daengz Gvangjdungh Swngj Gvangjcouh Si cingqsiq haidoeng yinh hek. Ngoenzde, diuz dezlu neix cienzbouh haidoeng yinh hek, diuz loh neix raez 861 goengleix, anbaiz hojceh moix diemj cung bae 250 goengleix, ginggvaq Gveicouh, Gvangjsih, Gvangjdungh. Ndaw doz dwg gyoengq beixnuengx Yauzcuz aen yienh neix youq Gunghcwngzcan ciengqgo diuqfoux angqhoh diuz dezlu neix haidoeng. (Cwng Ciminj/郑智敏 ingi)

Denzlinz: 38 Hangh Gunghcwngz Hawj 23.8 Fanh Saujsu Minzcuz Souh'ik

田林: 38项惠民工程惠及全县 23.8万各族群众

2014 nienz, Denzlinz Yen comz-rengz gajgez gij vwndiz gvendaengz vunz lai guh swnghecanj gvaq swngghoz, haenqrengz guh gunghcwngz hawj vunz lai souh'ik, gij gunghcwngz neix youz swcigh nem Bwzswz Si anbaiz; aen yienh neix sien ca gij saeh vwnz lai cei

qvensim, ceiq nemgyawj, ceiq yienh-saed, gyagiengz hengz cosih, haenqrengz ca lozsiz, gyavaiq doihaeuj hanghmoeg gensez. Daengz 12 nyied daej, daengx yienh gunghcwngz hawj vunz lai souh'ik gungh roengzngaenz 60456.9 fanh maenz, gij hanghmoeg neix gvendaengz

sebauj(baujyenj), gengangh, gyauyuz, giengz giekdaej, onjyouq, nungzbuj (boujdiep nungzminz lajmbanj), swnghdai, vwnzva, gyauhdungh daengj 38 aen hanghmoeg, cienzbouh guh sat lo, neix hawj 23.8 fanh gak cuz ginzcong souh-ik. (Banh Sauginh/潘少君)